

高等小學校用 第一冊

中華女子國文教科書

上海中華書局印行

中華女子高等小學教科書

高等小學以上男女均宜分校。修身、國文、算術三科教授女子與教授男子不同。本局延聘通人特編女子高等小學用書。歷時經年累加修訂現已成書。列目如左。其餘各科男女通用者。茲不贅列。

中華女子高等小學修身教科書

李步青編 每册定價一角

三册

中華女子高等小學國文教科書

沈頤范源廉楊結編 每册定價一角

六册

中華女子高等小學算術教科書

顧樹森編 每册定價一角五分

三册

中華女子高等小學家事教科書

顧樹森編 每册定價一角

二册

一遵照部定小學教則注意女子之特性及將來生計務使女子修得生活上所必須之知識技能

二修身注意於貞淑之德並使知自立之道

三國文專採平易切用可為模範者其材料就修身歷史地理理科及其他生活必需事項擇其富有趣味者用之各種文體略備並採詩歌使學者講習諷誦獲高尚優美之致並遵部定小學教則加入家事要項為女子將來處理家事之預備

四修身國文並採經訓以期闡揚孔學端學者之趨向

五算術注意於日常之計算並附各種簿式循序漸進繁簡適宜凡非女子應用之計算知識概不闖入

六家事採用日本家事大要教本之教材參酌我國社會情形於實際生活問題最有關係且與他科學亦互相聯絡俾得正確之智識

編輯大意

本書遵照部定教育宗旨及小學校教則第三條各項編纂務以養成兒童紀敘事物發表思想之能力兼潛導其智德

本書為女子高等小學校學生用之教科書春秋季始業均可通用

本書共分六冊每冊四十課分一年為四十週每週授二課適合部章三學年

畢業

本書文字注重適用其要旨如下

一 撰述各課文體略備而敘事文尤多以便學生摹倣

二 採取羣經大義以孔子之言為旨歸或擇孔子同源之說並及古文之

三 饒有興趣者詩歌之理解易明者俾學者涵濡於國粹


四 歐美讀本亦有選譯惟仍以無戾我國國情為斷

五 道德知識新舊並重並準乎先後緩急之序

六 詳言女子生計藝能及家政概要

國民知識為女子不可缺者擇要列入

本書內容與各科互相聯絡而不重複其特色如下



一 於修身或取故事或取寓言均意味濃厚耐人玩索
二 於歷史選用中外史積極事實必擇與女子有關係者
三 於地理多取名勝風景以增益見聞鼓舞興會
四 於理科多取當前現象及生活所需以便隨時體察

本書分配皆按照程度力戒躐等其程序如下

一 繼續初等小學國文七八冊編纂以次漸高其程度
二 材料由寡而多詞意由淺而深文字由短而長間有不同調劑必勻務

與年齡學力相當

三 各課或同類以資聯絡或異類以免厭倦皆悉心排比

本書形式以優美明瞭為主其說明如下

一 人物肖像及地理風景諸圖皆有所本不敢臆造

二 分段分句及圈點皆依據文法不敢苟且

本書另編教授書載明每課要旨及教授方法名物訓詁皆詳細解釋

中華女子高等小學國文教科書 第一冊

目次

第一課	就學	第二課	國文
第三課	運動	第四課	習勞
第五課	盤中園景	第六課	蚤起
第七課	記某法人事	第八課	鼠與貓
第九課	烏哺兒詩 <small>徐善建</small>	第十課	孝親
第十一課	養志 <small>季</small>	第十二課	鄒瑛
第十三課	衣服	第十四課	裁縫
第十五課	習字	第十六課	書信
第十七課	機變	第十八課	亞衣丹

第十九課 齒

第二十課 食物

第二十一課 安貧藍鼎元

第二十二課 義姑姊

第二十三課 嵩山

第二十四課 居室

第二十五課 圖畫

第二十六課 造花

第二十七課 賣油翁歐陽修

第二十八課 慎微

第二十九課 惜陰

第三十課 愚明柔強之道禮記中庸

第三十一課 小鳥之良伴

第三十二課 蜜蜂(一)

第三十三課 蜜蜂(三)

第三十四課 佛教

第三十五課 道教

第三十六課 撲滿

第三十七課 初夏詩陸游

第三十八課 公園

第三十九課 寬待傭役

第四十課 楊萬里妻

中華女子高等小學國文教科書 第一冊

第一課 就學

學記有言。玉不琢不成器。人不學不知道。可見人必就學。始足培養道德。潛啟知能。初無間於男與女也。

各國教育普及。女子之學與男子略同。用能無廢人。無廢事。我國昔時。德容言功。垂爲教法。女子亦非無學。近十年來。更創設學校。聚生徒而教育之。民國成立。小學校許男女同入。並爲女

子。設。中。學。師。範。等。校。是。國。家。益。重。視。女。學。也。
惟。其。然。也。女。子。之。自。待。尤。不。可。輕。且。薄。入。校。而。
後。守。嚴。整。之。秩。序。振。爲。學。之。精。神。以。勉。盡。學。生。
之。職。分。斯。爲。要。矣。

第二課 國文

今。人。之。言。曰。不。習。外。國。文。無。以。周。知。世。界。情。狀。
固。也。然。本。國。文。尤。當。注。重。
蓋。國。文。者。國。粹。之。一。也。相。傳。至。四。千。餘。年。通。行。
及。二。十。二。省。苟。國。文。不。達。微。特。尋。常。應。用。扞。格。

滋。多。抑。且。蹈。忘。本。之。譏。矣。
俄。裂。波。瀾。禁。用。波。文。英。亡。印。度。專。教。英。文。日。本
縣。臺。灣。併。朝。鮮。亦。廢。漢。文。諺。文。通。令。小。學。校。用
和。文。課。本。推。其。用。意。無。非。因。國。亡。而。文。尚。存。則
其。遺。民。雖。屈。伏。於。勢。力。之。下。而。睠。懷。故。國。耿。耿
不。忘。終。難。泯。恢。復。之。想。也。
然。則。求。國。之。強。而。蔑。棄。其。文。有。是。理。乎。

第三課 運動

血。液。循。環。腸。胃。消。化。筋。骨。屈。伸。雖。各。具。機。能。實

賴運動以助之。故運動爲衛生之要道。世之憚於運動者。深居簡出。終日兀坐。久之則稍遇勞役。亦不克支持。此豈體質之異於人乎。正以平日不知運動。馴至百體之間。漸失其常度也。善衛生者。隨地隨時。皆可運動。如野外閒遊。室中緩步。興之所至。習以爲常。又若鞦韆。蹴鞠。凡諸遊戲。恆樂爲之。雖不敢蹈於危險。而適當之。運動固無使或閒也。

第四課 習勞

天生百體。各有所用。愈練習。愈發達。否則委靡。不振。久之。遂失其能力。女子體質較弱。或疑煩劇之事。非所勝任。不知飽食終日。漠然無動。則思慮窒滯。耳目遲鈍。筋肉懈弛。其爲害多矣。不觀夫田家婦。乎入而執炊。出而供饁。晝而助芸。夕而課織。終歲勤動。不得休息。顧善噉酣眠。健壯與男子無異。豈其秉賦異耶。亦以練習故耳。

吾輩猶是人也。一家之中。事務甚繁。苟能日爲定程。毋或稍怠。家政旣理。體質亦強。其獲益正非淺也。

第五課 盤中園景

小女謂母曰。母盍予我瓷盤一。法蘭絨一方乎。吾將製一園景。數日後。當有以娛母也。母許之。女以法蘭絨鋪盤中。播芥子於上。瀝水潤之。翌晨。復加以水。如是者數日。芽生於絨。綠葉漸吐。大喜。舉以示母。曰。吾園成矣。母愛其慧也。笑而。

稱許之。女益自得。無何蒼翠之葉。日益繁茂。高二寸許。盤爲所掩。女朝夕玩賞。愛不忍釋。每食必捧置案上。以爲點綴。鄰兒見之。欣羨不已。女一一告以培養之術。不少吝也。

第六課 蚤起

日初出時。滄滄涼涼。空氣激鮮。偶一吐納其間。心神爲之怡曠。故講衛生者。必蚤起。櫛沐需時。早餐需時。室內室外。灑掃整理。無不

需時。稍或濡滯。誤及職業。故勤治事者。必蚤起。雖然。女子之蚤起。有特宜注意者。以生理言之。女子心臟薄弱。神經易遭激刺。安眠竟夕。乍醒。卽起。則變遷過驟。殊失其宜。必也向晨而覺。出以從容。迨神志已清。乃披衣而坐。徐徐結束。結束。旣竟。齧面漱齒。櫛髮理粧。蓋蚤起者。固宜受之以節。行之以漸。庶有益而無損也。

第七課 記某法人事

昔普魯士有某王者。每閱兵。必人人徧勞之。曰。

年幾何矣。入伍幾何時矣。軍中苦樂何如。王恆作此三語。且先後不亂。如是者。有年。士卒咸熟聞之。有法人初入伍。未諳普語。聞王復將閱兵。訊諸同儕。習其答語。王至。問及法人。偶易其序。先問入伍幾何時矣。對曰。二十一年矣。王驚其齒幼。問年幾何。則答曰。三閱月。王益驚。曰。汝何言。汝非癩者乎。又對曰。軍中甚樂也。故聞言而不明其理。其應對之際。不至顛倒錯。

亂。類。此。法。人。者。幾。希。矣。

第八課 鼠與貓

鼠。於。獸。類。爲。最。小。然。能。爲。人。患。常。潛。處。室。中。穿。牆。洞。壁。以。爲。窟。宅。晝。伏。夜。動。米。麥。肴。饌。之。屬。稍。不。謹。藏。輒。爲。所。盜。齒。極。銳。又。易。生。長。有。時。過。長。必。借。物。爲。磨。使。短。且。利。故。金。木。諸。類。雖。不。可。食。亦。恆。爲。所。嚙。又。能。傳。染。疫。癘。貽。禍。尤。烈。性。至。黠。機。弄。毒。餌。往。往。能。避。之。惟。畏。貓。遇。卽。戰。慄。不。能。動。輒。膏。其。牙。吻。

貓具虎狀。性頗柔。人或拊之。卽俯首。戢尾。嗚嗚。襟袖間。其捕鼠也。嗅氣。尋蹤。極爲警捷。得鼠。常銜。以示人。跳躍。拋擲。縱使遁去。輒又追獲。如是。數四。鼠垂斃。然後食之。

第九課 鳥哺兒詩 徐善建

抱兒嬉樹下。新綠遮庭戶。忽聞啁啾聲。仰見春鳥乳。不辨誰雌雄。四翼共辛苦。一出掠青蟲。一居禦鷹虎。出憂居力單。居憂出遭罟。瘁羽豈暇梳。嬌音不遑吐。黃口快得食。那知翁與姆。感此。

撫童雛。何如此禽羽。上念父母恩。淚下如注。雨。

第十課 孝親

天下無不愛子女之父母。亦無不愛父母之子
女。是故孝。達德也。亦恆情也。

事父母最上。爲樂。志。其次爲分勞。奮志向學業
成而名顯。父母爲之愉快。樂志之一端也。職業
所在。代爲之處置。內則家政助爲料量。井井有
條理。分勞之一端也。若省視服膳。慰侍疾病。事
親者皆當注意。女子思慮周密。言動柔婉。侍老。

娛親尤易。盡職。

爲婦事舅姑。當與事父母同。婉容愉色。謹言慎動。皆不可闕。尤宜將以誠意使之。視婦猶女。則旦夕奉侍。無不歡然相洽矣。

第十一課 養志 孟子

孟子曰。事孰爲大。事親爲大。守孰爲大。守身爲大。不失其身。而能事其親者。吾聞之矣。失其身。而能事其親者。吾未之聞也。孰不爲事。事親。事之本也。孰不爲守。守身。守之

本也。

曾子養曾皙。必有酒肉。將徹。必請。所與。問有餘。必曰。有。曾皙死。曾元養曾子。必有酒肉。將徹。不請。所與。問有餘。曰。亡矣。將以復進也。此所謂養口體者也。若曾子。則可謂養志矣。事親若曾子者。可也。

第十二課

鄒瑛

鄒瑛。宋人之女也。未嫁時。與母嫂同居。嫂。前母兄之妻也。因是。母惡之。飲食。僅給以粗。

糲。或且。不給。瑛私。以己。食繼。之。母。又。非。理。役。嫂。
瑛。必。與。俱。以。分。其。勞。嫂。有。過。誤。瑛。先。引。爲。己。罪。
母。或。盛。怒。扑。嫂。瑛。泣。而。請。曰。女。他。日。不。爲。人。婦。
耶。有。姑。如。是。吾。母。如。何。母。并。欲。答。瑛。瑛。曰。願。爲
嫂。受。笞。嫂。實。無。罪。母。徐。察。之。其。周。旋。母。嫂。間。大
率。若。此。

後。適。爲。士。人。妻。舅。姑。妯。娒。姊妹。知。其。賢。也。皆。敬
重。焉。母。見。女。之。得。愛。於。夫。家。卒。感。化。而。成。慈。母。

第十三課 衣服

衣服之爲用。豈徒蔽體已哉。體溫有常度。而氣
候有變遷。實賴衣服護持之。衣服之原料。有絲織。毛織。棉織。麻織。諸品。價值
各殊。應用亦異。要在選擇有方。不乖時令。豐儉
適宜。呢絨布帛。固無施不可也。吾人之製衣服。除善保體溫外。求耐洗濯。求皮
膚不受激刺。又求皮膚上排泄物。易於發散。如
是而已。華美與否。非所計也。其形式。則古今中外。未必相同。婦女裝束。以時

以地變更尤速戒奢侈尙樸素適於衛生其通義也。

第十四課 裁縫

裁以刀尺縫以針綫凡製衣不外此二者論衣成之次序則縫後而裁先論學製之程度則裁難而縫易瘦肥大小人體有不同廣狹短長布帛亦各異兩相量度然後下剪如何而省料如何而稱身分寸不可增減非心知其故者未許草草從事。

也。

至於縫紉。則以勻稱整齊細密爲貴。用針之法。或謂之捺。或謂之斜。或謂之迴。或謂之藏。皆各有定則。初學者心專手敏。自可嫻熟。近更有機器爲助。視向之專恃。十指者事半而功。且倍矣。

第十五課 習字

我國文字發明最早。孳生最繁。今日通用之書體。爲楷與行二種。

女子善書者。古今相望。諸生苟能致力。何遽不。


逮昔人。然或未及求工。但期筆畫平正。行款分明。用以繕書札。騰課卷。俾閱者一目了然。亦當務之急也。

又宜檢別體。戒省筆。市井俚俗。不可妄爲所染。若屢有訛奪。多所塗乙。草率模糊。不堪卒讀。初學尤當力戒。諺云。字無百日功。果能注意練習。心手相應。筆墨自調。疏朗整齊。無難於數月間。致之也。

第十六課 書信

文字之效用。除顯明學術紀載事物外。其最切。於尋常日用者。莫如書信。書信者。所以通彼此之情。縮萬里如一室也。家庭之狀況。旅客之行踪。親朋之情誼。一紙郵傳。無遠勿屆。以視專足通知。便人傳語。效用實宏。卽有電報。亦究不及書信之詳盡也。吾人求學應用。爲先其於書信。固不必驅使才華。自矜淹博。然或據事直敘。尙病未能詞意晦。盲費人猜度。以及款式稱呼。半多謬誤。則貽笑。

孰。甚。耶。




第十七課 機變
獵人某。獨行叢山中。偶
回顧。見有一獅。尾之於
後。行速亦速。行遲亦遲。
若將伺其不及。防突前。
以噬之者。
獵人大驚。努力前進。以
期脫險。而獅仍相隨。不

舍。行。十。餘。里。天。漸。昏。黑。四。無。人。居。窘。急。之。狀。殆
難。言。喻。

會。抵。一。危。崖。屹。然。千。仞。下。臨。谿。谷。旁。有。亂。石。深
可。隱。人。獵。人。遂。潛。匿。其。間。然。恐。獅。之。覓。也。急。解
外。衣。加。冠。其。上。中。間。支。以。獵。鎗。傍。崖。而。立。高。出
崖。端。僞。若。已。之。憩。息。者。然。
無。何。獅。踵。至。以。爲。人。也。奮。力。撲。之。鎗。遽。倒。獅。墜。
崖。以。死。

第十八課

亞衣丹



建塔於海濱。懸燈其上。暮
 卽然之。以示來舟。募人司
 其事。失燈候。則有罪。此海
 國通例也。美洲人蒙尼柯
 卽執是役者。常攜其幼女
 亞衣丹。同居荒島中塔上。
 一日。蒙尼柯駕小舟出。風
 雨大至。迨暮。猶未歸。
 亞衣丹居塔念日。日然燈。
 時至矣。海舶行。風雨中。
 迷路。且失事。必爲我父罪。
 乃緣梯至最上層。

則大慰風雨少息棹舟還
 是夕海舶經塔下無失事者時亞衣丹年甫七
 歲聞者莫不歎其明慧



移小榻值燈下
 雜疊書冊置身
 其上舉手然燈
 時蒙尼柯正隔
 海遙望旁皇無
 可爲計見燈明

第十九課 齒

齒者所以司咀嚼助消化也。食物入口當用力咀嚼。整者使之碎。聚者使之散。凝者使之融。然後徐徐下。嚥及至入胃。消化更不費力。若或不。然。齒失其職。而使胃代其勞。轉輸緩則營養損。停滯久則疾病生。其爲害豈淺鮮歟。故保齒爲養生之要務。晨起必刷。飯後必漱。使之潔淨而堅固。受病尤當速治。毋使齲缺。俗或無故而鑲金嵌象。藉以爲飾。是力使之齲缺也。

則亦妄而已矣。

第二十課 食物

人身日有所消耗。日有所排泄。其賴以滋養者。厥惟食物。

食物多矣。要無不賴人力以致之。有得自耕稼者。有得自種植者。有得自采擷者。皆植物類也。有得自漁釣者。有得自畋獵者。有得自豢養者。皆動物類也。動物含脂肪蛋白二質。植物則二質居少數。澱粉質居多數。均爲人體滋養所必

需。吾人普通食料。恆以穀類爲主。蔬菜魚肉爲
輔。蓋一舉箸必兼得此三原質也。
一家之中。體質各殊。嗜好亦異。若乃辨其宜忌。
順其好惡。調和配合。使得收養生之效。則主中
饋者所宜究心也。

第二十一課

安貧 藍鼎元

李氏。巴長卿妻也。長卿家徒四壁。李氏處之恬
然。姊妹有適鄒姓者。甚富。而笑之。李亦不以爲
怪。遂作巴家富詩。其詞曰。

誰道巴家窘。巴家十倍鄒。池中羅水馬。庭下列
蝸牛。燕麥分無數。榆錢散不收。夜來添驟富。新
月掛銀鈎。
夫姊妹間恃富。嗤貧人情所難堪也。李氏賦詩。
自解無怨恨。不平之氣。反以遊戲出之。人品之
高。不可及矣。

第二十二課 義姑姑姊

齊師攻魯。至郊。見一婦人。抱一兒。攜一兒。而走。
追將及。棄所抱。抱所攜。兒隨而啼。不顧。

齊將執而問之。對曰：抱者，兄子；棄者，妾子也。力不能兩全，故棄己子耳。齊將曰：兄子與己子孰親？對曰：己子私情也，兄子公義也。亡兄子而存己子，幸而濟，謂義何？故寧忍而棄己子也。

齊將使人言於齊君曰：魯未可伐也。山澤之婦，猶知行義。況士大夫乎？請還師。師遂還。魯君聞之，召婦人而厚贈焉。號曰義姑姊。

第二十三課 嵩山

嵩山古稱太室。嵩或作崧。今距密縣五十餘里。

下。有。嶽。廟。廟。之。北。有。少。林。寺。去。寺。二。里。許。有。達。摩。面。壁。處。旁。一。石。有。紋。如。僧。趺。坐。俗。謂。爲。九。年。面。壁。影。蓋。此。石。出。自。水。中。波。濤。動。盪。久。而。成。形。猶。之。水。中。之。石。爲。水。衝。激。往。往。見。花。卉。魚。鳥。狀。也。

嵩。西。少。室。諸。峯。雄。峭。秀。聳。摩。天。拔。地。而。盧。巖。瀑。布。水。勢。直。瀉。如。銀。河。倒。掛。尤。爲。壯。觀。

其。上。也。過。鐵。梁。峽。又。過。天。門。始。至。中。峯。之。頂。又。上。始。至。絕。巔。由。是。極。目。四。望。數。百。里。間。皆。如。指。

掌。乃知崧高維嶽自昔推尊良有以也。

第二十四課 居室

吾人所恃以資生衣食而外居室爲急蓋禦寒暑蔽風雨而寢興食息於其中固惟居室是賴也。

擇居有道先觀室外屋址高下何如得免於卑溼否四周有花樹足使空氣澄鮮供室中人呼吸否次觀室中置窗牖如法否足以透日光通空氣否塵垢中不致多蓄微生物爲疾病媒介。

否。一。一。審。度。必。無。礙。於。衛。生。方。可。入。居。此。室。
若。夫。勤。掃。除。繕。罅。漏。通。溝。渠。時。粉。堊。善。居。室。者。
皆。宜。注。意。未。可。憚。勞。惜。費。而。姑。事。因。循。也。

第二十五課 圖畫

圖。畫。者。學。校。中。科。目。之。一。也。爲。用。最。廣。卽。以。女。
工。言。之。如。縫。紉。刺。繡。種。種。藝。術。皆。有。資。於。此。
有。所。謂。自。在。畫。者。憑。仗。紙。筆。發。揮。心。手。摹。寫。物。
體。神。形。並。似。所。以。予。人。美。感。者。也。有。所。謂。用。器。
畫。者。始。於。點。綫。成。於。立。體。凡。物。正。側。全。剖。各。面。

力求妙肖不爽毫髮所以資人實用者也。女子心靜而思密於圖畫尤宜。圖畫既工則縫紉刺繡種種藝術且因之並臻優美。然則窗前燈下影本描摹幸勿徒視爲適性怡情而不計其工拙也。

第二十六課 造花

造花亦美術之一也。任舉何種花辨其彩色察其態度握剪調漿天工人代銅絲絨纏其表以爲之莖。堅紙漿綴其側以爲之葉。剪絹爲瓣垂

絨爲鬚。結綫爲心。五色紛錯。頃刻間。花已盛開。矣。繪畫爲平面。造花爲立體。精此術者。其妙可以亂真。瓶置几案。佩著襟袂。遠而望之。儼然折枝也。近日學校。以此爲手工之一。習者漸多。窗明几淨。得此清賞。風雨不能妬。霜雪不能摧。豈必以有色無香爲憾哉。

第二十七課

賣油翁 歐陽修

陳堯咨善射。當世無雙。公亦以此自矜。嘗射於家圃。有賣油翁釋擔而立。睨之久而不去。見其發矢十中八九。但微頷之。堯咨問曰。汝亦知射乎。吾射不亦精乎。翁曰。無他。但手熟爾。堯咨忿然曰。爾安敢輕吾射。翁曰。以我酌油知之。乃取一葫蘆置於地。以錢覆其口。徐以杓酌油瀝之。自錢孔入。而錢不溼。因曰。我亦無他。惟手熟爾。

堯咨笑而遣之。

第二十八課 慎微

甲與乙。刳木於船塢。有木堅而潔。行選爲舟材矣。忽睹一蟲焉。長不及半寸。甲曰。此木易蠹。用之。且有後患。不如棄之。乙曰。僅一蟲。何傷焉。棄之可惜。遂以造舟。舟成。航行海外。其初無他。變久而木漸蠹。船主以無大害也。不以爲憂。滿載貨物而歸。中途遇風。怒濤衝激。舟受撼甚。無何。舟之蠹處。水混混。

入。舟。有。抽。水。器。舟。子。并。力。去。水。水。勢。速。卒。不。能。
禦。一。晝。夜。而。舟。沈。生。命。貨。財。同。歸。於。盡。
由。是。觀。之。天。下。之。患。每。起。於。甚。微。而。發。於。所。忽。
吾。輩。居。家。如。門。庭。鎖。鑰。爨。室。芻。薪。在。在。有。利。害。
切。身。之。處。不。可。不。慎。也。

第二十九課 惜陰

朝。而。作。忽。忽。不。數。時。則。日。已。中。矣。午。而。餐。忽。忽。
不。數。時。則。日。又。落。矣。古。人。喻。以。白。駒。過。隙。奈。何。
奔。迅。而。去。竟。若。是。之。速。耶。

學校之中。某時授何書。某時習何事。固預定之矣。然度一日之光陰。宜增一日之智識。必求其相當。始可無憾。否則日日在校。口講耳聽。目視而心不在焉。將與嬉遊廢學相去。不能以寸。仍未免負此日也。且學者勿謂今日雖去。猶有明日在也。明日之不可爲。今日猶今日之不可爲。昨駒過。或復還時。往豈能再至乎。晉陶侃謂禹惜寸陰。吾輩當惜分陰。試誦其言。安敢稍自寬假耶。

第三十課 愚明柔強之道 禮記中庸


博學之。審問之。慎思之。明辨之。篤行之。

有弗學。學之弗能。弗措也。有弗問。問之弗知。弗措也。有弗思。思之弗得。弗措也。有弗辨。辨之弗明。弗措也。有弗行。行之弗篤。弗措也。人一能之。己百之。人十能之。己千之。果能此道矣。雖愚必明。雖柔必強。

第三十一課 小鳥之良伴

某女畜一小鳥。愛之彌篤。

一日。鳥躍案上。案有鏡。鳥窺鏡。見影。以爲他鳥也。怒而噪。狂躍不已。見其影。亦狂躍。疑爲侮己。益忿。奔而啄之。觸鏡而仆。駭甚。眈視鏡中鳥。良久。若有所思。乃趨至鏡後。無睹也。折而前。則鳥又在焉。既而躍登鏡頂。細察鏡之上下左右。始悟鏡背無彼鳥。藏身之所。復躍下。逡巡鏡前。若



所復躍下。逡巡鏡前。若

欲與鏡中鳥通殷勤而躊躇未定者。然久之意決。怡然而鳴。翩然而舞。其影亦隨之。舞乃大喜。某女睹狀。樂之。爲置一小鏡於籠中。鳥由是視己影爲良伴。對鏡呢喃。終日不倦。

第三十二課 蜜蜂(三)

春夏之間。百花競放。有蟲薨薨。飛過羣集。花間其色淡黃。似蠅而大者。卽蜜蜂也。蜜蜂之中。有雌蜂。雄蜂。工蜂之別。雌蜂體長羽短。能產卵生子。每一蜂房。僅一羽而已。雄蜂體

大。不任勞役。採花營巢等事。皆工蜂任之。


雄蜂



雌蜂



工蜂



又和以唾而成之者也。

其採花也。吸收花液。入於蜜囊。掃落花粉。貯於粉蓋。然後取出。加以醞釀。俾供食品。並蓄為冬令之需。其營巢也。作無數小孔。形皆六角。以蠟為之。而蠟則由所食之蜜粉。消化分泌。

雌蜂善產卵。一日間數約七百。乃至三千。三日後卽孵化。未成蜂以前。工蜂尤勤於養育。故生殖甚繁。

第三十三課 蜜蜂 (三)

蜜蜂本野蟲耳。因其能釀蜜造蠟。供人利用。故人多養之。其法置木箱。鑿小孔。俾蜜蜂得出入。其間迨蜂既成巢。則一箱中恆數萬計。蓋彼性善合羣。儼然聚族而居。共同生活。自成一社會也。



五。六。月。間。舊。巢。之。中。新。蜂。增。殖。勢。不。能。容。則。舊。
日。雌。蜂。率。羣。蜂。他。徙。以。舊。巢。讓。之。名。曰。分。封。分。
封。之。後。若。別。置。木。箱。以。收。集。離。巢。之。蜂。加。意。飼。
之。則。蜂。房。增。闢。所。產。之。蜜。蠟。自。多。矣。

至。於。收。割。蜜。蠟。宜。分。其。贏。
勿。令。過。竭。約。以。夏。令。為。最。
宜。外。此。則。花。開。漸。少。自。養。
尚。虞。不。足。加。以。剝。削。蜂。必。
不。堪。

第三十四課 佛教

釋迦牟尼。迦毘羅國王子也。地在今印度。生當我國春秋之季。



是時西域諸國婆羅門教盛行。尙專制重階級。釋迦矯其失。謂世界衆生無不平等。發願普度。務使奉其教者。得以明心見性。超出生老病死。一切苦厄。卽不然。恍於。

身。後。禍。福。亦。勉。於。善。而。不。敢。爲。惡。此。其。大。旨。也。
教。中。謂。成。道。曰。佛。故。卽。稱。爲。佛。教。至。漢。時。始。入。
我。國。傳。習。旣。廣。流。派。甚。多。其。尤。著。者。有。禪。律。論。
密。諸。宗。流。行。所。至。東。及。日。本。東。南。及。緬。甸。安。南。
南。洋。羣。島。其。別。枝。爲。喇。嘛。教。蒙。古。西。藏。今。頗。尊。
奉。而。婆。羅。門。教。亦。至。今。存。於。印。度。也。

第三十五課 道教

道。教。自。言。宗。老。子。老。子。者。李。耳。也。爲。周。史。官。與。
孔。子。同。時。遺。書。今。尙。存。大。旨。主。清。淨。慈。儉。以。化。

天。下。不。言。藥。不。言。仙。實。與。道。教。不。相。涉。
道。教。所。自。起。其。古。者。巫。祝。之。遺。乎。周。秦。之。際。有
所。謂。方。士。謂。能。造。黃。金。致。不。死。藥。秦。皇。漢。武。頗
爲。所。動。後。有。費。長。房。之。徒。謂。能。治。符。籙。劾。鬼。妖。
又。其。旁。枝。也。
漢。末。張。道。陵。兼。採。兩。家。著。道。經。以。教。其。徒。其。後
又。撰。經。懺。建。宮。觀。規。模。儀。式。略。與。佛。教。同。至。南
北。朝。乃。盛。行。唐。之。玄。宗。宋。之。真。宗。徽。宗。明。之。世。
宗。皆。篤。信。之。近。世。漸。衰。惟。道。陵。後。裔。居。江。西。龍。

虎山在前朝得世襲爲天師。

第三十六課 撲滿

撲滿者土器也。空其腹。上有小口。僅容一錢之側入。且既入。卽不可出。必待其既滿。撲之。使碎。以取之。故名曰撲滿。

有某氏女者。購一撲滿。日取錢一二枚投焉。累月以來。貯錢已及其半。一日。鑼聲鏗然。有賣飴者。過其門。女欲取錢買之。乃持撲滿。反復動搖。冀錢自口出。無如錚錚作響。錢終不出。撲而碎。

之。意。又。不。忍。如。是。者。良。久。
最。後。思。得。一。法。取。小。刀。削。其。口。使。與。錢。等。然。後。
搖。之。錢。果。漸。出。於。是。急。取。數。枚。詣。門。外。覓。賣。錫。
者。則。已。去。遠。不。知。何。往。

第三十七課

初夏詩

陸游

紛。紛。紅。紫。已。成。塵。布。穀。聲。中。夏。令。新。夾。路。桑。麻。
行。不。盡。始。知。身。是。太。平。人。
剪。韭。醃。薺。粟。作。漿。新。炊。麥。飯。滿。村。香。先。生。醉。後。
騎。黃。犢。北。陌。東。阡。看。戲。場。

稻未分。秧麥已。秋豚蹄。不用祝。甌。萋。老翁七十。
猶彊健。沒膝春泥。夜叱牛。
買得新船。疾似飛蠶。饑遙望。采桑歸。越羅蜀錦。
吾何用。且備幽人。卒歲衣。
槐柳成陰。雨洗塵櫻桃。乳酪併嘗。新古來。江左。
多佳句。夏淺勝春。最可人。

第三十八課 公園

辛苦之餘。繼以遊息。則心神爲之一暢。身體因。
以健康。此必至之成效。無難實驗者也。

文明各國之都。會皆設公園。吾國近亦仿辦。豈
導人以閒遊哉。蓋人煙稠密之區。空氣不良。天
機易窒。闢此公園。以游魚鳴鳥。奇卉名花。點綴
而成美景。居民勞作之暇。散步其間。可領畧天
然之趣味。其有益公衆衛生。不淺也。
惟然遊公園者。當知公德。不特器具陳設。不可
毀傷花木。敷榮。不可攀折也。卽涕唾之微。亦必
力防任意。毋使不潔之習。取厭於人。其在女子。
或以良辰令節。結伴來遊。舉止笑言。尤宜出以

莊重。否則衆目睽睽。寧不畏人之多言耶。

第三十九課 寬待傭役

廢鬻奴而爲傭役。主僕之間。意不相投。彼此皆
可辭退。向之鞭撻苛虐。固無所施矣。
雖然。世俗之對於傭役也。其薄待猶有未盡免
者。彼以爲食吾食。事吾事。惟命是從。夫何敢抗
稍不當意。不妨詬詈。隨之。殊不知僕勞其力。主
償以金。兩處於平。事同交易。所異者。名稱耳。固
未許恃勢相凌也。

明理者知其然。待遇傭役一本於寬。卽愚贛性。成違失意。旨亦惟訓誨而化導之。不以怒色。怒言相向。初非博仁愛之名也。盛氣相加於事。奚益。習於暴戾。適以彰度量之不宏爾。

第四十課 楊萬里妻

楊萬里妻羅夫人。待遇僕役寬嚴得中。每寒月黎明卽起。詣廚下作粥。召女使徧食之。曰。若輩亦人也。天寒須使其腹中有火氣。乃堪役使耳。

時萬里。轉運江東。子爲帥。尊貴矣。或曰。是賤事。夫人老而親之。無乃爲逆施乎。夫人曰。是何言。歟。賤物。貴我。勞人。自逸。非天道也。年八十餘。猶於圃中種苧。躬親紡織。晨夕不懈。平居服飾。屏去華麗。生四子三女。畢自乳。曰。饑人之子。哺吾子。吾不忍爲也。

CHINESE READERS FOR GIRLS
 (GRAMMAR SCHOOLS)
 CHUNG HWA BOOK CO., LTD.

民國三年八月初版
 民國四年四月二版

(女子高等小學國文教科書)全六冊諸

每冊定價銀一角



編者

沈范源

顧廉喆

印刷者

中華書局

上海虹口東百老匯路

發行者

中華書局

總發行所上海

河南路
 拋球場南首

中華書局

分發行所

北京天津奉天廣州長沙開封
 溫州長春漢口南昌南京杭州
 濟南保定武昌太原常德福州
 成都重慶雲南徐州

中華書局